

Broj: 01-605/19-7

Datum: 03.06.2019. godina

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), te na Preporuku Komisije za javnu nabavku broj: 01-605/19-6 od 31.05.2019. godine, u postupku javne nabavke usluga Osiguranja vozila, radnih mašina i osiguranje opće odgovornosti, direktor JKP „Komunalac“ d.o.o Tuzla je donio

ODLUKU
o izboru najpovoljnijeg ponuđača
LOT 1 - Usluga osiguranja vozila i radnih mašina

Član 1.

Prihvata se Preporuka Komisije za javne nabavke, broj: 01-605/19-6 od 31.05.2019. godine i ugovor za javnu nabavku usluga Osiguranja vozila, radnih mašina i osiguranje opće odgovornosti dodjeljuje se ponuđaču „Wiener osiguranje“ Vienna Insurance group a.d. Banja Luka, ponuda broj: F012 493/19 od 13.05.2019. godine, za ponuđenu cijenu 37.729,76 KM, bez PDV-a, kao najbolje ocijenjenom ponuđaču za LOT 1 Usluga osiguranja vozila i radnih mašina.

Član 2.

Prijedlog ugovora o nabavci dostavit će se na potpis izabranom ponuđaču „Wiener osiguranje“ Vienna Insurance group a.d. Banja Luka, po proteku roka od 15 dana, računajući od dana kada je ponuđač obaviješten o izboru najpovoljnije ponude.

Član 3.

Za izvršenje ove odluke zadužuje se i ovlašćuje Odjel za javne nabavke.

Član 4.

Ova odluka objavit će se na web-stranici www.komunalactz.com.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-605/19-1 od 18.04.2019. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 41.000,00 KM za LOT 1.

Obavijest o nabavci broj: 781-1-2-28-3-15/19 poslata je na objavu dana 26.04.2019. godine, a objavljena je na Portalu javnih nabavki dana 26.04.2019. godine.

Komisija za javnu nabavku imenovana je Odlukom broj: **01-605/19-2 od 18.04.2019. godine.**

Komisija za javnu nabavku dostavila je Zapisnik o ocjeni ponuda broj: 01-605/19-5 i Preporuku o izboru najpovoljnijeg ponuđača broj: 01-605/19-6 od 31.05.2019. godine, u postupku javne nabavke usluga Osiguranja vozila, radnih mašina i osiguranje opće odgovornosti – LOT 1 **Usluga osiguranja vozila i radnih mašina**

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5
- da su blagovremeno zaprimljene 5 ponuda.
- da ponuđači **„Adriatic osiguranje“ dd Podružnica Tuzla, „Sarajevo osiguranje“ dd - Sarajevo i „Central osiguranje“ dd Sarajevo** a koji su dostavili ponudu nisu kvalifikovani za daljnju proceduru i vrednovanje, i to iz sljedećih razloga:

- Ponuđač **„Adriatic osiguranje“ dd Podružnica Tuzla** u obrascu za cijenu ponude izostavio da popuni stavke u tabeli pod rednim brojem 70 i 71 za kolonu Osiguranje od AN gdje je trebalo polje prekrižiti ili staviti nulu. Također ponuđač nije popunio iznos ponude slovima u Rekapitulaciji za premiju auto osiguranja Obzirom da je Tenderskom dokumentacijom definisan način određivanja cijena i popunjavanja obrasca za cijenu ponude, konkretno u tački 4.8 Cijena ponude stoji: *Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.* U skladu s navedenim ponuda ponuđača Adriatic dd se odbacuje.
- Ponuđač **„Sarajevo osiguranje“ dd Sarajevo** dostavio je u svojoj ponudi Uvjerenje o stopi riješenih odštetnih zahtjeva neživotnih osiguranja za period 01.01.-31.12.2017. godine sa procentom uspješnosti od 77,68%. U tački 3.5 Tehnička i profesionalna sposobnost i dokazi koji se traže definisano je: *Da ponuđač tj. osiguravajuće društvo u svom poslovanju ima preko 80 % uspješnosti u rješavanju odštetnih zahtjeva. Kao dokaz je potrebno dostaviti Uvjerenje nadležne agencije o stopi efikasnosti u rješavanju odštetnih zahtjeva za neživotna osiguranja, za prethodne 3 (tri) godine.* Na osnovu navedenog Ponuda ponuđača Sarajevo osiguranje dd Sarajevo se odbacuje.
- Ponuđač **„Central osiguranje“ dd Sarajevo** je dostavio ponudu koja nije u skladu sa Tarifnim sistemom BiH. Tačkom 4.9 Način određivanja cijene ponude, tendreske dokumentacije, definisano je: *Dostavljanje ponude za osiguranje motornih vozila od Autoodgovornosti (AO) moraju biti u skladu sa zakonski propisanim cijenama, odnosno Jedinstvenim premijskim sistemom X-AO koji je propisao Biro osiguranja BiH (Tablice bruto premijskog sistema osiguranja korisnika odnosno vlasnika*

motornih vozila od odgovornosti za štetu pričinjenu trećim licima), a na osnovu mišljenja Ministarstva finansija-Ureda za nadzor broj: 1.0-021-20/98-1 od 24.06.2008. godine. Ponuda koja ne bude u skladu sa gore navedenim premijskim sistemom X-AO, smatrat će se nevažećom i neće biti uzeta u razmatranje. Naime na stavka 61, 62 i 63 u obrascu za cijenu ponude ponuđač je ponudio cijene za radna vozila, međutim radi se o teretnim vozilima a što je ponuđač mogao zaključiti na osnovu pomoćne dopunske tabele. Na temelju navedenog ponuda ponuđača Central osiguranje dd Sarajevo se odbacuje.

- da je ponuda ponuđača „**Wiener osiguranje**“ **Vienna Insurance group a.d. Banja Luka**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka b) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

1x „Wiener osiguranje“ Vienna Insurance group a.d. Banja Luka
1x „Central osiguranje“ d.d. Sarajevo
1x „Sarajevo osiguranje“ d.d. Sarajevo
1x „Adriatic osiguranje“ d.d. podružnica Tuzla
1x „Asa osiguranje“ d.d. Sarajevo
1x a/a

Direktor

Mr.sc. Admir Bećirović